



partii naleraq

Naqqiut

(Siunnersuuteqartup aqqa allanngorpoq)

08. maaji 2019

UPA2019/68

Inatsisartut Suleriaasianni § 36 malillugu apeqquaqat aallaavigalugu oqallinnissamik imaattumik siunnersuuteqarpunga:

Kalaallit Nunaat Namminiilivittoq Kalaallinut Inuiannut pillugu apeqquaqat aallaavigalugu oqallinnissamik siunnersuut

(Partii Naleqqamit Inatsisartunut ilaasortaaitai)

Inatsisartunut 2018-imi qinersisoqarmat qinersinermi inuit qinersisinnaasut 71,9 %-it taasiartorsimapput, taakkunanngalu taasisuni Inuiaat Kalaallit sinniisussamittut qinersimasaasa paatsuugassaangitsumik qineqqusaarnerup nalaani taamatullu qineqqusaarutiminni sakkortuumik oqaatiguarpaat Kalaallinut Inuiannut Kalaallit Nunaat namminiilivissasoq. Qinersinerup inerneraa 31-inik ilaasortanngortuniit 30-it ilaasortanngortut kissaatigigaat politikikkut anguniarniarlugu Kalaallit Nunaat namminiilivissasoq aamma Kalaallit Inuiaat namminiilivissasut. 97 %-iisa partiini aallartitaallutik issiasuni kissaatigaat Kalaallit Nunaat namminiilivissasoq. Isumaqatigiinnigissutigineqarlunili qaqugu ulloq suna namminiilivittoqassasoq, imatut paasillugu qaqugu Kalaallit Inuiaat akisussaaffik tigorusunneraat ullulerneqanngimmat.

2019-ip aallartinnerani paasiuminaatsinneqalerpoq ilumut qineqqusaarnermi qineqqusaarutigisimasatik suli attanneraat. Tunngaviusumik inatsisissamut ataatsimiititaliaq suliluunniit iluamik aallartinneqarsimangilaq aamma aningaasaliisimaneq eqqarsaatigalugu 2020-mut suliaq Tunngaviusumik Inatsisissamut ataatsimiititaliap sulinera naammassilluni isumaliuutissiissut tunniunneqartussaavoq. Partiit ilaasa oqariartortarnerat aallaavigalugu malunnarsiartuinnartumik naalagaaffeqatigiinnerup nukittorsarneqarnissaa kisiat uukkatarineqalersimammat.

Suliat tamarmik aallartereersimasut eqqaaginnarlugit Naalackersuisullu aamma taamatut oqariartoreersut Kalaallit Nunaat aamma Kalaallit Inuiaat namminiilivinnissaat *de facto* sulissutigineqartoq, taamaattumik ataqqinartut Inatsisartut, Kalaallit Nunaannut aamma Inuiannut Kalaallinut sinniisuusut apererusuppassi.

Isumaqatigiinningsuteqanngilagut, partiini arfineq-marluusuni (7), partiit arfinillit (6) sakkortuumik Inatsisartuni ilaasortaasuni 31-ani Inatsisartunut ilaasortat 30-it kissaatigalugulu oqaatiguarpaat amerlanerussuteqarluarlutik, Partii Naleqqamiit anguniartuarlugulu kissaatiguaratsigu Kalaallit Nunaat namminiilivissasoq aamma Inuiaat Kalaallit namminiilivissasut. Kalaallit Nunatta aamma Inuiaat Kalaallit kissaatigimmassuk Kalaallit Nunaat nunamut oqartussaaffik, silaannaap oqartussaaffigineranut aammalu imartatta oqartussaaffiginissaa pillugu namminneq isumaqatigiinniarsinnaammata.

Taamaattumik ataqqinartut Kalaallit Inuiaat sinnerlugit sinniisuusut ersarissumik aammalu nalorninata ataasiartumik apererusuppassi:

Namminiilivikkusuppsi?